## لطمة عيون ام الحسن أول مصيبه منها أبتدت آلام فلذتها الغريبه

أم الستر زينب سليلة آل طالب ما حد مثلها بالخلق شاهد عجايب شبه البتوله أمها أورثتها بالمصايب قصة هضمها تفري القلب وتذيبه

ما كو عزيز الآ الدهر منه حرمها من صغر سنها تجرعت غصة يتمها نار اللي بالباب أحرقت بالطف خيمها وعصرة الحايط أجرت دموع صبيبه

أمها من المسمار متجرّح صدرها وفي كربلا كعب الرمح ورّم ظهرها هذي بلا خمار أصبحت ضايع سترها وذيك أعلى عجفتها يحاجوها بسبيبه

إنرفست امها والشمر قوه رفسها وشوفة أخوها يعتفر صعد نفسها في ظهر عاشر زينب أنكسفت شمسها واستوحدوها القوم مثل أمها النجيبه

ضلعین من أمها أكسروا وبكربلا ضلوع صكّت وجهها حين شافت خيها مصروع عبدالله أبصدره ذبيح وراسه مقطوع وماينسي المحسن وقع جثّه تريبه

فاطم صفى ليها على وزينب السجاد حيدر أبجيده حبال وقيد بزين لعباد أزرى الزمن بيهم واخذ منهم الأولاد يا ما عليهم مرت أيام عصيبه

فاطم ورى الكرار طلعت ما لها شعور وزينب من الخيمه أركضت والشعر منشور تنشد أخوها حسين لنها تشوفه منحور راسه على المياد والجثة سليبه